

Акафист святому праведному воину Феодору Ушакову

Кондак 1

Избрáнному подви́жнику земли́ на́шей,/ дѣлы до́блестными во сла́ву Бо́жию досто́йне потруди́вшемся,/ свято́му пра́ведному во́ину Феодо́ру похва́льное прино́сим пѣние./ Ты же, уго́днице Бо́жий, я́ко имѣяй вѣлие дерзнове́ние ко Го́споду,/ от вся́ких нас бед свободи́, зову́щих:/ Ра́дуйся, святы́й пра́ведный Феодо́ре, сла́вный в добродете́лех во́ине Христовъ.

Икос 1

А́нгели и боголю́бвии лю́дие днесь Христу́ Бо́гу благодарѣние и славосло́вие прино́сят, яви́ бо тя, пра́ведне во́ине Феодо́ре, сла́внаго покрови́теля и защи́тителя Оте́честву на́шему. Мы же, ви́дяще тя предсто́яща Престо́лу Бо́жию и ми́лости нам у Го́спода прося́ща, со умилѣнием сердѣчным воспева́ем:

Ра́дуйся, ро́да благочести́ваго рождѣние;

ра́дуйся, земли́ Яросла́вския многопло́дное прозябѣние.

Ра́дуйся, А́нгела Храни́теля твоего́ непреста́нно возвеселя́вый;

ра́дуйся, роди́тели и наста́вники тво́я крото́стию и усер́дием удивля́вый.

Ра́дуйся, моли́твами свята́го срóдника твоего́ в духо́вней бра́ни побежда́ти научи́выйся;

ра́дуйся, в за́коне Господни́ непреста́нно поуча́выйся.

Ра́дуйся, дух ми́рен в души́ твое́й стяжа́вый;

ра́дуйся, си́лою Креста́ Господня́ вся враги́ побежда́вый.

Ра́дуйся, любóвь Христо́ву в се́рдце твоём носи́вый;

ра́дуйся, сла́дкою то́ю любóвию ду́шу твою́ усладя́вый.

Ра́дуйся, тезоимѣ́нному тебѣ Страти́лату в иску́стве воево́дством уподо́бивыйся;

ра́дуйся, тезоимѣ́нному тебѣ Ти́рону в ревновáнии о Бо́зе подража́вый.

Ра́дуйся, святы́й пра́ведный Феодо́ре, сла́вный в добродете́лех во́ине Христовъ.

Кондак 2

Ви́дяй Господь чистоту́ се́рдца твоего́, преизоби́льно дарова́ тебе́, Феодо́ре пресла́вне, благода́ть Свою́, да то́ю укрепля́емый, жити́е твоѣ поживѣши во благочести́и, прославля́я Творца́ твоего́ пѣснию: Аллилу́иа.

Икос 2

Разум Божѣственный просвети́ и укрепи́ тя, пра́ведне и достохва́льне Феодо́ре, егда́ учѣние кни́жное со усер́дием познава́л еси́ и вѣлие прилежа́ние к сему́ имѣл еси́. Егда́ же чи́ном во́инским почтѣн был еси́, обеща́ние пред

Всемогущим Богом, святым Евангелием Его и Крестом принёс еси: верно и нелицемерно Отечеству служить. Сего ради примим от нас похвалы сия:

Радуйся, паче всего в мире сем Господа возлюбивый;

радуйся, от лет молодых чистоту жития сохранивый.

Радуйся, ко премудрости книжней усердие от юности имевый;

радуйся, праздность и суету мира сего презревый.

Радуйся, закон Господень прилежно изучивый;

радуйся, целомудрия сокровище драгое сохранивый.

Радуйся, в страхе Божиим добре наставление получивый;

радуйся, в житии твоём добродетели высокие возрастивый.

Радуйся, душу свою всецело ко Господу устремивый;

радуйся, другом твоим пример прилежания бывый.

Радуйся, христианского благочестия неустанный блюстителю;

радуйся, милости и помощи нуждающимся подателю.

Радуйся, святой праведный Феодоре, славный в добродетелех воине Христов.

Кондак 3

Силою Божиею укрепляемь, все житие твое в праведности проводил еси, славно воине Феодоре, и, не щадя живота своего, землю нашу от супостат защищал еси, Творцу же твоему, в ратных делах вспомоществующу ти, воспевал еси благодарно: Аллилуиа.

Икос 3

Имеяй в сердце своём веру твердую во Христа Иисуса и силою тоя вооруживыйся, на морях Балтийском и Азовском служение твое ратное проходил еси. Помози и нам в вере крепцей подражати тебе, угодниче Божий Феодоре, да не погибнем в пучине беззаконий наших, обаче радостно да зовём ти:

Радуйся, Евангелия Христова добрый послушателю;

радуйся, заповедей Иисусовых усердный исполнитель.

Радуйся, Богу житием твоим совершенно угодивый;

радуйся, страсти в душе твоей победивый.

Радуйся, Духа Святаго жилище, преукрашенное чистотою;

радуйся, Божия благодати приятелище, сияющее добродетелей красотю.

Радуйся, Царствия Горняго ревностный искателю;

радуйся, роду христианскому благ Небесных ходатаю.

Радуйся, Духом Святым насыщенный и просвещенный;

радуйся, соблазны мира сего суетнаго не прельщенный.

Радуйся, измлада Господа всею душею возлюбивый;

радуйся, в заповедех Божиих неуклонно ходивый.

Ра́дуйся, святы́й пра́ведный Фе́одоре, сла́вный в добродете́лех во́ине Христо́в.

Конда́к 4

Бу́ри бед и искуше́ний не страши́лся еси́, свя́те Фе́одоре, егда́ прибу́ив в богоспаса́емый град Херсо́н, службу́ твою́ соверша́л еси́; Госпо́дь же укрепля́ше тя, да труды́ твоими́ край Херсо́нский просла́виши, воспева́я: Аллилу́иа.

И́кос 4

Слы́шаще и ви́дяще вси лю́дие гра́да Херсо́на, я́ко мо́ровым пове́трием град их одержи́мь бысть, на Еди́наго Го́спода все упова́ние возложи́ша. Ты же, пра́ведне Фе́одоре, свы́ше Го́сподем вразумле́нный, вве́ренныя ти во́ины от тяжкия́ болéзни огради́л еси́. Те́мже и мы усер́дно к тебе прибега́юще, смире́нно мо́лим: упра́ви нас предста́тельством твои́м к ти́хому и ми́рному жити́ю и сподо́би наслажда́тися нетле́нныя ра́дости вопи́ющия ти:

Ра́дуйся, бли́жним твои́м благоде́телю ми́лостивый;

ра́дуйся, за ди́вное милосе́рдие твоё Го́сподем храни́мый.

Ра́дуйся, изнемога́ющих внеза́пное укрепле́ние;

ра́дуйся, уныва́ющим благода́тное ободре́ние.

Ра́дуйся, бли́жняго своегó я́ко себе́ возлюбивый;

ра́дуйся, ме́ньшей бра́тии твоёй я́ко Христу́ послужи́вый.

Ра́дуйся, скорбя́щих благи́й утешителю;

ра́дуйся, благ ве́чных нам от Го́спода пода́телю.

Ра́дуйся, ри́зу душе́вную чистото́ю убели́вый;

ра́дуйся, ратными́ по́двиги твои́ми всех удиви́вый.

Ра́дуйся, ми́лостию и сострада́нием ду́шу твою́ напо́лнивый;

ра́дуйся, служа́щих с тобо́ю на путь благоче́стия напра́вивый.

Ра́дуйся, святы́й пра́ведный Фе́одоре, сла́вный в добродете́лех во́ине Христо́в.

Конда́к 5

Богото́чный исто́чник дарова́ний духо́вных яви́лся еси́, боголюбиве Фе́одоре, и за вели́кия по́двиги тво́я са́ны во́инскими почте́н был еси́. Оба́че ве́мы, я́ко не по́чести челове́ков, но мзды Го́спода твоегó жа́ждал еси́, благодарно́ к Немú взыва́я: Аллилу́иа.

И́кос 5

Ви́дев, я́ко в защи́щении люде́й правосла́вных не довлéет наде́яться на си́лы челове́ческия, все упова́ние твоё возложи́л еси́ на Го́спода, Фе́одоре, в моли́тве по́мощи у Него́ и му́дрости прося́. Сего́ ра́ди, мы́сленно созерца́я тя горе́ и ны́не за ны моля́щагося, возсыла́ем ти пе́ние сиё:

Ра́дуйся, в терпéнии мно́зем па́че ины́х преуспе́вый;

ра́дуйся, за́поведи Госпо́дни в се́рдце своём ве́рно храни́вый.

Ра́дуйся, приле́жно во сла́ву Бо́жию подвиза́вшийся;
ра́дуйся, во бла́го люде́й правосла́вных сла́вно потруди́вшийся.
Ра́дуйся, к Бо́гу и бли́жним вели́кия любве́ горение;
ра́дуйся, Це́ркве Христо́вы благодáтное удо́брение.
Ра́дуйся, плоть свою́ ду́хови всеце́ло покорив́ый;
ра́дуйся, плоды́ духо́вныя ми́ру преизобильно явив́ый.
Ра́дуйся, обетова́ний Иису́совых досто́йный наслéднике;
ра́дуйся, А́нгелом и святы́м предив́ный собесéднике.
Ра́дуйся, гнев на бли́жняго твоего́ до конца́ в себé умертвив́ый;
ра́дуйся, уста́ своя́ от клеветы́ и неправды́ оградив́ый.
Ра́дуйся, святы́й пра́ведный Фео́доре, сла́вный в добродете́лех во́ине
Христо́в.

Конда́к 6

Пропове́дник ве́ры Христо́вы и благоче́стия христиа́нскаго не сло́вом то́чию,
но и де́лом яви́лся еси́, богому́дре Фео́доре, я́ко оте́ц благи́й бы́вый ввэ́ренным
ти лю́дем, о́браз им жити́я по за́поведем Христо́вым подава́яй. Моли́ся у́бо, да и
мы, в житей́stem мо́ри су́щии, к ти́хому приста́нищу, Го́споду на́шему,
притеце́м, во умилéнии зову́ще: Аллилу́иа.

И́кос 6

Воссия́ в тебé обильно́ благодáть Бо́жия, пра́ведне Фео́доре, егда́ ввэ́рено ти
бысть управле́ние флóтом Черномо́рским, да сверши́ши по́мощию от Вы́шняго
е́же челове́ком невозмо́жно бе. Таковóму о тебé Бо́жию промы́слению
ра́дующеся, зове́м:

Ра́дуйся, добродете́льми твои́ми Небе́сныя да́ры уллучи́вый;
ра́дуйся, воспомина́нием страда́ний Христо́вых ско́рби твоя́ усладив́ый.
Ра́дуйся, терпе́нием твои́м мно́гим святы́м уго́дником уподо́бивыйся;
ра́дуйся, пред А́нгелы пресве́тлыми не посрами́выйся.
Ра́дуйся, всего́ себé в во́лю Бо́жию безро́потно преда́вый;
ра́дуйся, боле́знями твои́ми здра́вие ду́ши твое́я стяжа́вый.
Ра́дуйся, за дру́ги своя́ ду́шу полага́вый;
ра́дуйся, со все́ми в ми́ре пребыва́ти жела́вый.
Ра́дуйся, до́брыми де́лы Бо́га прославля́яй;
ра́дуйся, зе́млю на́шу от враго́в охраня́яй.
Ра́дуйся, див́ный о́браз любве́ Отца́ Небе́снаго в себé явив́ый;
ра́дуйся, братолю́бием христиа́нским до́льний мир удивив́ый.
Ра́дуйся, святы́й пра́ведный Фео́доре, сла́вный в добродете́лех во́ине
Христо́в.

Конда́к 7

Хотяй Человеколюбец Господь защитити страну нашу от нашествия агарянского, вдохнови ты, славне Феодоре, на великия подвиги, коими турецкий флот низложен бысть и людем православным мирное жительство даровано бысть. Дажь убо и нам благое утешение в мирнем житии от Господа прияти, Емуже ангельскую песнь приносим: Аллилуиа.

Икос 7

Новыя таланты приобрел еси, святой воине Феодоре, егда несомненным упованием на помощь Божию вся враги побеждал еси. Темже и нас, молитвами твоими враги невидимыя побеждающих, в Горния обители приведи, восхваляющих тя:

Радуйся, высотой подвигов твоих Ангелы удививый;

радуйся, крепостию произволения твоего демоны посрамивый.

Радуйся, мужество велие во всех творимых бранех показавый;

радуйся, венец победы достойно воспримый.

Радуйся, во умении флотоводчеством изрядно преуспевый;

радуйся, во славу Божию и на благо народа сие употребивый.

Радуйся, христианскаго рода велие и славное возвышение;

радуйся, горняго мира пресветлое радование и украшение.

Радуйся, за враги твоя с любовью моливыйся;

радуйся, прощати всех у Христа научивыйся.

Радуйся, образ вернаго служения Господеви показавый;

радуйся, дивное отвержение себе, спасения ради ближних, проявивый.

Радуйся, святой праведный Феодоре, славный в добродетелех воине Христов.

Кондак 8

Странное и преславное чудо совершися, егда ты, достолаженне Феодоре, велию святиню — мощи угодника Божия Спиридона Тримифунтскаго, на острове Керкире пребывающия, от лютых супостат свободил еси и в день Святыя Пасхи со славою многою на раменах твоих пренесение их свершил еси. Темже молися за ны, да избавлени будем от враг видимых и невидимых и да возгорится в сердцах наших огонь любви ко Владыце Христу, во еже пети Ему: Аллилуиа.

Икос 8

Всего себе воли Божией предав, служение ратное свершал еси, праведне Феодоре. Мы же, зряще сие, со умилением поем ти:

Радуйся, Христа Бога яко Хлеба Жизни взалкавый;

радуйся, Тем душу твою неизменно питаवый.

Радуйся, Пречистыя Крове Его яко истиннаго пития приобщавыйся;

радуйся, ко преславному праведником приложивыйся.

Ра́дуйся, за усéрдие твоё мзду от Вы́шняго восприёмый;
ра́дуйся, Ё́мя Егó на земли́ житиём своимъ просла́вивый.
Ра́дуйся, Царя́ царейъ Христа́ Го́спода служителю;
ра́дуйся, чи́стых се́рдцем смире́нный и му́дрый учи́телю.
Ра́дуйся, тала́нт во́инский, яко ве́лий дар Бо́жий, приёмый;
ра́дуйся, повиновáтися во́ли Господней всехъ научáвый.
Ра́дуйся, Оте́честву нашему́ неустраши́мый за́щитниче;
ра́дуйся, Правосла́вия ре́вностный проповéдниче.
Ра́дуйся, святы́й пра́ведный Феодоре, сла́вный в добродетéлех во́ине
Христовъ.

Конда́к 9

Вси лю́дие э́ллинстии, свобóду от злоко́зненныхъ врагъ тобо́ю получи́вшии,
достосла́вне Феодоре, благодарни тебе́ за сие́ бы́ша, отце́м своимъ ты
велича́юще. Ты же, за вся сия́ Бо́га благодарилъ еси́, яко дарова́ ти си́лу и
му́жество, да послúжиши не то́кмо своему́, но и ины́м язы́ком правосла́внымъ, да
вси́ пою́т еди́ными усты́ и еди́ным се́рдцем: Аллилу́иа.

Їкос 9

Ветийство́ челове́ческое не довлéет, свя́те Феодоре, к восхвалéнию всехъ
предивныхъ трудóв и побéд твои́х, наипáче же му́жества, с ко́им претерпевáл еси́
вся скóрби и лишéния, клевету́ и за́висть, от врагъ твои́х исходя́щая. Тёмже,
велича́юще вся по́двиги, терпéние и труды́ твоя́, прославля́ем ты́ сйце:

Ра́дуйся, ду́шу твою́ крóтко Го́сподеви вручи́вый;
ра́дуйся, и́скреннихъ свои́хъ христиáнскому терпéнию научи́вый.
Ра́дуйся, радости́ духо́вныя боголюбíвым душáм подáтелю;
ра́дуйся, но́вый нашъ предъ Бо́гом моли́твенниче и предстáтелю.
Ра́дуйся, яко твои́ми моли́твами Господь оставя́ет намъ прегрешéния;
ра́дуйся, помога́й намъ претерпевáти скóрби и поношéния.
Ра́дуйся, не своея́ сла́вы, но Бо́жия непрестáнно иска́вый;
ра́дуйся, венéц пра́ведничь от Царя́ Небéснаго восприёмый.
Ра́дуйся, миротворце́в и правдолюбце́в любвеобильный наста́вниче;
ра́дуйся, Бо́жия пра́вды предивный проповéдниче.
Ра́дуйся, живота́ своего́ за блížния своя́ николи́же щадíвый;
ра́дуйся, ду́шу свою́ за дру́ги своя́ положи́вый.
Ра́дуйся, святы́й пра́ведный Феодоре, сла́вный в добродетéлех во́ине
Христовъ.

Конда́к 10

Спаст́ися хотя́щим примéр благой́ жити́е твоё бысть, пра́ведне Феодоре,
ймже́ вся ны́ научáеши иска́ти еди́наго на потре́бу, е́же есть́ богоугождéние.
Помози́́ убо́ и намъ в семъ тебе́ подража́ти, вдохни́ в насъ му́жество душе́вное,

укра́си нас добродѣтелями небѣсными, да с тобо́ю возмо́жем сонаслѣдники Ца́рствия Небѣснаго б́ыти и воспѣва́ти Созда́телю на́шему: Аллилу́иа.

Їкос 10

Стена́ ограждѣния в Цѣркви Правосла́вней яви́лся еси́, сла́вне Феодоре, защища́еши бо лю́ди ве́рныя от враг ви́димых и неви́димых; не сокрýт же бысть и свети́льник добродѣтелей твои́х, да свѣтом, от него́ исходя́щим, прославля́еши Отца́ Небѣснаго. Мы же, чту́щии па́мять твою́, со умилѣнием взира́юще на о́браз твой святы́й, с ра́достью зовѣм:

Ра́дуйся, лжи и кова́рства нелицеме́рный обличи́телю;

ра́дуйся, ве́ры правосла́вныя неуста́нный насади́телю.

Ра́дуйся, жити́ем твои́м А́нгелы возвесели́вый;

ра́дуйся, пра́ведностию тво́ею дýхи тьмы посра́мивый.

Ра́дуйся, бѣдствую́щим до́брый предста́телю;

ра́дуйся, за оби́димых и унижа́емых прѣ́сный ходата́ю.

Ра́дуйся, кро́тость Христо́ву в се́рдце твоѣ́е восприе́мый;

ра́дуйся, смире́нию Его́ притека́ющия к тебѣ́ науча́вый.

Ра́дуйся, заблýждших наста́вниче и скорбя́щих утѣшителью;

ра́дуйся, прося́щим по́мощи твоея́ ско́рый пода́телю.

Ра́дуйся, я́ко и по преста́влении твоѣ́м ми́лости твори́ти не преста́еши;

ра́дуйся, я́ко моля́щимся у гроба́ твоего́ ско́рую по́мощь пода́еши.

Ра́дуйся, святы́й пра́ведный Феодоре, сла́вный в добродѣтелех во́ине Христо́в.

Конда́к 11

Пѣние всеумилѣнное Трине́днему Бо́гу принѣсл еси́, блаже́нне Феодоре, в Санака́рской обители, иде́же от ратных по́двигов почива́я, в моли́тве пла́менной душо́ю сво́ею ко Го́споду всецѣло устреми́лся еси́. Те́мже сподо́би тя Госпо́дь причастѣ́тися Святы́х Свои́х Таи́н пред сла́вною кончи́ною тво́ею. Ны́не же, предсто́я у Престо́ла Царя́ Сла́вы, моли́ся, да и мы дýши сво́я Нетле́нному Жениху́ Христу́ чи́стыя принесѣ́м со А́нгельским пѣнием: Аллилу́иа.

Їкос 11

Светоза́рное свети́ло, на не́бе церко́внем возсия́вшее, зрим тя, пра́ведне во́ине Феодоре, зане́ и ны́не свети́ши нам зна́мени и чудесы́, от святы́х мощѣ́й твои́х истека́ющими. Те́мже, благодарственная́ Бо́гу принося́ще о тебѣ́ пѣния, зыва́ем ти си́це:

Ра́дуйся, во Иисýсе Сладча́йшем еди́ное утѣше́ние обрета́яй;

ра́дуйся, к бѣдствую́щим на по́мощь стопы́ тво́я ускоря́яй.

Ра́дуйся, окамене́ннаго нечу́вствия серде́ц на́ших целителью́;

ра́дуйся, во отча́янии сýщим благи́я наде́жды пода́телю.

Ра́дуйся, яко тобо́ю ве́рнии и́стиною Христо́вою просвеща́ются;
ра́дуйся, яко тобо́ю пока́явшиися от посты́дныя сме́рти избавля́ются.
Ра́дуйся, чуде́сная исцеления от святы́х мощей твои́х обильно источа́яй;
ра́дуйся, николи́же во отча́яние впа́дати нас науча́яй.

Ра́дуйся, пра́ведною кончи́ною твоёю пра́ведность жити́я твоего́ запечатле́вый;

ра́дуйся, в райских оби́телех Творца́ и Спаси́теля с ра́достью узрэ́вый.

Ра́дуйся, яко тобо́ю и дони́не ве́рнии от враг избавля́ются;

ра́дуйся, яко тобо́ю оби́тель Санаксáрская торжествует и прославля́ется.

Ра́дуйся, святы́й пра́ведный Феодоре, сла́вный в добродетелех во́ине Христо́в.

Конда́к 12

Благода́ти и ми́лости испроси́ нам у Христа́, Созда́теля и Влады́ки нашего́, пресла́вне Феодоре, мно́го бо мо́жет моли́тва пра́ведника пред лицём Его́. Мы же душа́ми на́шими умиля́емся, яко яви́ нам Госпо́дь во утешение святы́я мо́щи твоя́, вопи́ющим Ему́: Аллилу́иа.

И́кос 12

Пою́ще неисче́тныя по́двиги предивнаго жити́я твоего́, вели́кий во́ине и флотово́дче Феодоре, хва́лим и ублажа́ем тя яко небеснаго покрови́теля нашего́. Ты же да́нною ти свы́ше благода́тию пода́ждь нам полéзная ко спасе́нию душ на́ших, да при́сно тя велича́ем:

Ра́дуйся, святче Бо́жий, свято и пра́ведно жизнь земну́ю сверши́вый;

ра́дуйся, во благоуха́нии святы́ни сном блаже́нным опочи́вый.

Ра́дуйся, вели́кий флотово́дче, Бо́гом на укрепле́ние нам дарова́нный;

ра́дуйся, венце́м безсме́ртныя жи́зни от Го́спода увенча́нный.

Ра́дуйся, пресве́тлое лице́ Созда́теля всегда́ созерца́яй;

ра́дуйся, Пресвяте́й Трои́це песнь немол́чно возглаша́яй.

Ра́дуйся, Го́спода ходата́йством твои́м умилоствивля́яй;

ра́дуйся, Це́рковь Ру́скую покрови́тельством твои́м защища́яй.

Ра́дуйся, яко и́мя твоё со святы́ми прославля́ется;

ра́дуйся, яко моли́твами твои́ми гра́ды и ве́си на́ши утвержда́ются.

Ра́дуйся, Престо́лу Царя́ Небеснаго во сла́ве предсто́яй;

ра́дуйся, о всех ве́рных лю́дех Го́споду моли́твы возно́сяй.

Ра́дуйся, святы́й пра́ведный Феодоре, сла́вный в добродетелех во́ине Христо́в.

Конда́к 13

О пресла́вный во́ине и му́жественный флотово́дче Феодоре, приими́ от нас сие́ ма́лое похва́льное пе́ние, е́же пред ико́ною твоёю [или́: святы́ми мощьми́ твои́ми] ны́не воспева́ем, и моли́твами твои́ми испроси́ нам у Христа́ Бо́га

избавитися от бед, скорбей и напастей, наипаче же от внезапныя смерти и вечныя муки, буди нам путевождь во блаженныя обители Небесныя, да тамо с тобою воспоем Богу: Аллилуиа.

Молитва

О, преславный и достохвальный воине, флотоводче Феодоре, небесный наш заступниче и крепкий защитниче! Днесь, память твою почитающе, смиренно молим тя: вознеси о нас ко Господу Богу теплыя твоя молитвы и испроси у Него оставление всех согрешений наших, имиже преогорчеваем Его. Умоли Господа даровати нам ко Отечеству нашему любовь нелицемерную, мир и благоденствие Церкви нашей Православней, всем же нам телесное здравие и душевное спасение, христианскую кончину живота нашего и добрый ответ на Страшнем Суде Его. Ей, святче Божий, не посрами упования нашего, еже на тя по Бозе и Богородице возлагаем, да, твоими молитвами получивше благодать и милость от Господа, прославим человеколюбие Отца и Сына и Святаго Духа, и твоё святое заступление, ныне и присно, и во веки веков. Аминь.